

邑

人

生

員

武又盛


邑

人

生

員

謝溥



長葛縣志

凡例

一徵文獻 葛爲中土名區人文典則代有可觀况
值

聖天子興行文教

大中丞修明典章敢不恭奉 嘉謨恪遵 成憲爰

勤記載以揚

盛世之休風但葛邑舊志前令徐君修于順治十三年
時經兵燹之餘片帙無遺購抄本于遠方功亦難

長第失于考訂儀型典制雖賴以僅存而嘉言懿
行亦因之散失既經修葺豈惜勤勞詳觀體例之
踈自見增刪之義

分條目 邑之有乘猶國之有史也發凡附例自

有一定之規舊志錯亂無章殊失記載體式今將
新舊條目斟酌于省府他邑諸志間取史傳之意
分爲三十三條依類附義統爲八志每條前有序
後有論每志前有總序後有總論使事有依歸而
詞無泛屬一披覽而可瞭然矣

一定次序 條目既分次序宜定有人斯有土故首
及方輿有人民必有城郭宮室次之以建設王者
任土作貢辨物之宜賦稅次之而附以物產古者
建官以治民卽取民以輔治官職又次之而附以
選舉人物列上下者德行美備何可強分品類不
齊豈容混述亦史家列傳分傳體也藝文分上下
者王言政蹟邦邑之光紀事歌詩採風所尚典章
風雅並重之意也依類序之義自可見

一 廣搜覽 舊志修于瘡痍未復之時雖得抄本亦

不過斷簡殘編無怪乎踈漏錯綜之多也有事纂
修不得不詳考省府州邑諸志廣覽史傳通鑑文
集等書或事關法制文涉典章者詳爲檢輯以成
全書

一 慎采輯 搜覽旣廣而採輯宜慎舊志所存者如
山川疆域之類亦必親觀形勢咨訪老成然後定
其大小遠近之處而新志續增者如德行節孝之
類或因公舉或被旌揚然後入于列傳分傳之內
旣不肯少踈亦豈容濫述庶幾醇疵有別巨細咸

昭

一補缺畧 義類混淆既爲更正條目疎漏安得無

增如山川在境內者竟不全載溝渠之開淤未一

言及政績致鳳凰之異禦寇有全城之功黃霸李

令宦蹟置若罔聞又河防繫民生之利隱逸仰高

尚之風並不措意如此之類缺畧甚多悉爲補輯

獨外道一類志中雖有煖泉觀擺藍池之蹟而出

處始終竟無所考殊爲缺然

一刪蕪謬 志以傳信不可不慎舊志詞旨冗長命

意膚淺逐條逐句悉經刪潤邑中形勢已見山川
城郭等類何必再述德行全脩者自歸列傳一行
可傳者屬之分傳史記漢書及府州等志可證又
何必強立各名其間一人兩見父子互收者不妨
分註明晰又神異一類尤近稗乘散見祀宇各條
可也藝文或以人重或以事傳不得不存至于諛
頌遊覽八詠等作無裨民風何關觀感遵例刪削
歸于大雅

一存寔跡 舊志蕪辭累句鄉黨諛頌褒稱間爲刪

淵典制攸關名節所繫不敢少漏一人或遺一事
忠孝大義簪纓華冑邦之儀型自無所忽至于草
野可以勵俗荆布可以維風更自矢慎矢公寧詳
勿畧寧恕毋嚴斷不使潛德幽光稍有遺憾又營
建祠宇坊表之類雖廢必書亦愛禮存羊不忘先
民之意也

一 正體裁 記載以明確爲要修辭以典核爲工所
以敘事但期簡當安用張皇議論惟在雅馴敢侈
廣博省府諸志之成憲可稽史漢等書之芳規猶

在

一 論文義 體制取法往籍序論悉本心裁不獵他人一語不襲前籍片言或補篇中未盡之意或發後人觀感之心雖未敢擅名著作幸不失之荒誣質諸舊志識者諒自能辨

一 公責任 著術一時垂鑑千載不昭大公豈成鉅典用是其難其慎惟虛惟明特延文才夙擅品行兼優者共膺斯任大約前序俱出馮手後論其相著述增刪校讐之力諸君子均任其勞各見厥功

豈敢掠美

一謹法守 志以紹前徽而昭後鑑存文獻而示勸
懲能勿敬慎居心秉公著述每條必費叅詳每字
尤經斟酌庶不負

撫憲慤懃戒論輿情企仰典型所以刪繁就簡補舊
增新一遵

憲檄成規更悉士民公論倘或言之不文義有未備
猶望

名公鉅卿俯賜訂正

邑令渠陽何 鼎晴山氏謹識

長葛縣志

開封府許州長葛縣知縣何鼎纂修


圖考

邑乘首列圖考所以明經界詳營建也古者左圖右史凡天文地理城郭山川以至禮儀法物莫不有圖夫亦玩象成文因形知勢之意而已葛邑山川如故而城郭宮室不無廢興圖考不容緩也不然世遠人湮時移物換陵谷尚有變遷而况城郭宮室乎首覽斯圖詳閱各志可以識經界之攸分營建之所自矣

長葛縣

北至新鄭界

圖



東至洧川縣界十八里司馬村

南至許州界

縣長葛縣



北門

惠波街

關帝廟



天星廟




耀武街

城隍廟



福泉街

崇文街



學巷





王德街

海潮街


東門

南門



城之圖

圖



三

長 葛 縣

教諭

訓導宅

明倫



啟聖祠

東

教諭

名宦祠

敬一亭

東

院


戟

泮

聖

文






學









閣

學之圖

圖










射圃



四

長葛縣



治之圖

樓

堂

門

門

堂

堂

堂

門

門







門

門



源


源

源



獄神祠





長葛縣志卷之一

對府許州長葛縣知縣何鼎纂修

方輿志

沿革

疆域

分野 炎祥附

山川 岡阜陂溝附

河防

古蹟

戰爭

風俗

周禮大司空掌邦國圖籍蓋以分茅胙土者不待遠

稽博考可按籍而知也方輿之設由來尚矣葛雖小
邑要亦版章之所不遺而為中州之一要區也安可

忽乎其間數大端爲類不一邑名間有異同故以沿革爲首王政始於經界人事現於天文疆域分野安可無紀建邑必因形勢導民尤計奠安山川河防豈容緩述記一時之勝者有古蹟詳千載之患者唯戰爭欲知民情之好尚風俗又當考也皆邦域中不可或遺之事依類次之而統以方輿庶幾司空氏所掌之遺意歟爲方輿志

沿革

邑以葛天氏得名然而遺矣自春秋迄今數千年來

土宇如故而名稱間異屬隸時殊或分或并豈好爲
紛更哉蓋因時審勢有不得不然者在也大率不離
乎便民者近是簡策具在歷歷可考也

長葛上古傳爲葛天氏之墟在禹貢周官總屬豫州
之域春秋屬鄭魯隱公五年宋人伐鄭圍長葛六年
宋人取長葛又名繻葛桓公五年諸侯從王伐鄭鄭
伯禦之卽其地也戰國屬韓或屬魏秦屬潁川郡西
漢時以社中樹暴長更名長社縣仍屬潁川東漢魏
晉因之南北朝西魏改屬許昌郡北齊屬南鄭州後

周爲許州治隋開皇六年改復爲長葛縣屬潁川郡
唐初析置長葛長社二縣屬許州潁川郡乾元元年
爲許州治貞觀六年省黃臺縣入長社五代梁二縣
並屬許州匡國軍唐二縣並屬許州忠武軍宋二縣
並屬潁昌府金二縣並屬許州昌武軍元二縣並屬
許州汴梁路長社爲許州治明省長社入許州以長
葛縣屬焉

國朝仍名長葛屬許州隸開封府

疆域

王者體國經野因山川之限審風氣之宜定名別域
奠厥攸居而已維葛控汴扼洛負大河而俯淮汝固
所稱腹心地也故內而生聚之寧居外面行旅之來
往疆域之制可不爲之區畫乎况賦稅有常經界有
別尺地何可淆也書曰中畫疆圻慎固封守古侯伯
之責卽今令長之責也慎弗曰彈丸之邑而可忽諸
長葛縣在開封府西南一百八十里其境縱三十五
里橫七十八里東至洧川縣界十八里司馬村西至
禹州界六十里韓家莊南至許州界十五里陸家營

北至洧川新鄭縣界二十里尚家村東北至洧川界
十五里田家堡東南至許州洧川界三十里斧頭村
西南至許州禹州界四十五里石固鎮西北至新鄭
界十七里接官亭南至許州治四十里東至洧川縣
治三十里西至禹州治九十里北至新鄭縣治四十
里北至

京師一千八百里東北抵齊魯東南下江浙西達山陝
南逼襄鄂葛雖僻壤禹州舊設巡憲爲考最會計入
省必由之地况國初四方雲擾東南未靖師旅馳驅

冠蓋絡繹已成孔道民之供億實繁有徒旣無驛站
之設又無銷算之項憔悴已極邇來巡憲已撤方域
奠安南北往來皆由新鄭省會通衢悉經許洧葛邑
幸稍蘇息但在邑衝道猶有三焉一在縣治東北接
洧川縣界南至許州界十五里一在縣治西北接新
鄭縣界東南至許州界三十五里一在縣治東北接
洧川縣界西南至禹州界六十里均屬四境往來必
由之地車轍馬跡年久傾欹時遇雨雪載途竟成汗
下行旅維艱驅馳阡陌禾黍間民甚苦之康熙二十

八年知縣何鼎躬行修築道廣三丈餘望之若坻夾
道俱開溝洫以備霖潦溝傍植柳數萬株以分經界
高下相宜宛轉合度而費不煩民出自俸薪數年以
來俱成綠蔭隴畔無侵行旅歡悅邑人有新柳碑記
焉

論曰葛介於許新洧禹間而民以食故界上之民
多售於鄰境四隅皆然而許新爲甚名曰寄莊平
時輸將尙爾不前倘有徵發可奈何且拋荒以來
經界未清此誠葛邑疆域之急務也所以省催科

杜爭端者上之入諒必有以處此

分野

附災祥

易曰觀乎天文以察時變周禮所封之域皆有分星
保章氏掌之班固謂其本在下而應於天匪無稽也
葛既分地之一野必列天之一辰則百里區中占氣
侯察氛祥星之所躔安可誣乎乃若人事修於下天
象徵於上修省之戒敢不勉旃并災祥附焉

周禮註疏房心爲豫州史記天官書以氐房心爲豫
州分星晉天文志房心屬豫州潁川入房一度玉曆

森羅記潁川入房一度星曰大火宮曰天蝎時曰郭
葛舊屬潁川郡在豫州域內唐天文志曰角亢於分
在鄭於辰在辰房心於分在宋於辰在卯左傳杜註
房心爲宋角亢爲鄭明清類天文書角亢在辰自軫
十度至氏一度屬鄭豫州星垣開封府繫角亢歸德
府志云壽星躔角亢從開封也葛舊屬鄭邑今隸開
封府

按前諸說則葛爲房心分野後諸說則葛爲角亢
分野開封府志云房心爲豫州惟周漢以前爲然
至唐以後屬角亢氏昭然矣明初去今未遠宜以
劉基分野爲定蓋府繫可亢是葛當不外角亢也

並錄之以

備參考

災祥附

宋開寶七年九月桑蠶成繭

至道二年蝻蟲食苗

元至元四年夏淫水爲害蠶麥穀皆不登

十九年蝗食禾稼草木俱盡所至蔽空人馬不能行

溝塹皆盈饑民捕蝗以爲食或曝而食之人或相食

明成化十九年大旱流移轉徙人民相食事聞遣使轉輸京儲賑恤始安

萬曆八年冬天雨水

十年秋蝗食禾稼

十一年六月末大水漂民廬舍泮沒田禾知縣李藝
申於上准免當年夏秋糧各十分之三

十六年大饑

四十四年自夏及秋蝗蝻瀰漫山野食禾稼俱盡有
入室咀衣之異

崇禎五年六月大雨河水暴漲禾稼漂沒民皆巢居
是歲大饑

八年至十三年連歲飛蝗爲害白骨遍野

十四年春瘟疫大行人死者過半

國朝順治十六年三月大黃風三日

十七年六月大旱

十八年六月大雨五日雙洎河溢

康熙四年八月飛蝗過境

五年七月蝗蝻

十一年閏七月大雨水溢

十五年三月十四日地震閏六月長星見

十六年五月雨雹水溢

十七年六月十七日地震七月初九日酉時龍見

十九年正月初十日地震

二十二年十月初五日地震

二十六年三月有鵝鵝一雙見於湫河數日不去時
舉人李重素有記生員程日鵬有賦見菴文志

五月飛蝗遍野時知縣何鼎齋宿城隍廟中設醮三
晝夜蝗雖在境止於路傍食草萊不及禾苗民已爲
異又祭於野竭誠禱祀祭畢炮響蝗一時飛去士民

歡呼鼓舞稱慶

二十七年蝗不入境

二十九年七月雙洎河水溢是年耕牛大災

三十年六月旱飛蝗蔽天知縣何鼎設醮虔禱忽大雨如注蝗經雨自死不爲災

論曰或云一邑之畛域不足當天度之微妙言天文者憂憂乎其難之然洪範曰玉省惟歲卿士惟月師尹惟日明乎自上而下無一不當仰觀以自省也彼徒舍避躔非修德之明驗歟此固分野災